

ادبیات عمومی و تاریخی

هفته‌لق سیاسی ، ادبی ، علمی غزته‌در

جلد : ۳

سنه : ۲ ۲۷ رمضان ۱۳۳۶ جمعه ایرتسی ۶ تموز ۱۹۱۸ نومرو ۴۴ — ۷۵

ارتحال پادشاهی

۲۴ رمضان ۱۳۳۶ و ۳ تموز ۱۳۳۶ چهارشنبه زوالی ساعت (۷.۰۵)
تخت عالی بخت عثمانیده طقوز سنه ایکی و آلتی کون بتون معناسیله پدرانہ
پ صورتده اجرای سلطنتدن صوکره « ارجی » امر جلیله لیک زن اجابت اوله‌رق
چهارشنبه کونی اقشامی وسطی ساعت یدی بی بش کچه ارتحال دار بقا ایدن مغفور و مرحوم
سلطان محمد خان خامس حضرتلری ، اجداد عظاملرینک برچوق خصائل نبیله و سجاای
حالیه و برکزیده سنه مالک ایدیلر . جتتمکان مشارالیه ۲۱ شوال ۱۲۶۰ سنه سنده سلطان
عبدالمجید خان فردوس آشیانک صلب پا کندن قدم نهاده عالم شهود اولمشلردی . مغفور
پدرلرینک اوچنجی مخدومی اولان مشارالیه حضرتلری سرایده اصول معتاده وجهله تعلیم
و تربیه کوزمشلر و سلطان عبدالحمید ثانی دورنده ، ولی عهد سلطنت اولمق حسیله پک صیقی
یرتضیقه معروض قاله‌رق غایت منزوی و محجور برحبات امرار ایتمشلر سده بو اوزون دوره
اعتکاف و انزوانک تأثیرات مؤلمه سنی مطالعه و تتبع ایله ازاله یه بذل غیرت و تاریخ ، شعر
و بالخاصه تصوف و ادبیات فارسیه ده تبحر ایتمشلردی . مشروطیتک اعلانی اوزرینه شخصیت
علیالریه روا کورلمکده اولان تضییقات زائل اولمش و دور سابقده کی حزین ماجرالری
و علی الخصوص سجاای برکزیده و خصائل نجیبه لری ایله ذاتاً قلب ملتده مستثنی بر موقع
حرمت و محبت احراز ایتمش اولان مغفور مشارالیه ، ۳۱ مارت اختلالندن صوکره مجلس
عمومی ملینک قراری و صادر اولان فتوای شریفه نک حکمی موجبجه ۱۳۲۵ سنه سی

« کوستا لوبون » ك آثارندن :

فرانسه اختلالی و روحیات انقلابات

اختلال زماننده حاکم اولان ذهنیتلر

رمزی ذهنیت . — بو ذهنیتك اك مهم اوصاف وعلامات ممیزه تی ، بعض ذی روحلره ویا قوتلره ، اسرار انکیز برتأثیر ، خارق العاده برقابلیت اضافه واولنلری فوق الطبیعه برحاله ارقا ایتك خصوصایتلر . بتون ادیان و معتقدات سیاسیةك اساسی بوذهنیتدر . دین و سیاسیات ساحه سنده عناصر رمزیةك لزوم وجودی بدیهیدر . بومتکایی قالدیریکن ، درحال بنا صارصیلر .

حسیات و احتراصاتك وجه واستقامتنی آتیین ایدن منطق رمزی ، ملتدرده مشهود اولان بیوک حرکتلرک مصدر و منبع قوتیدر . اسباب معقولیه رغماً حیاته خاتمه چکمه هیچده متایل اولیان نیجه انسانلر ، مقدسات زمره سته ادخال ایتدکاری برغایه ، برمفکوره اوغورینه پك قولایلقه فدای جان ایدرلر .

اختلالك وضع ایتدیکی برطاقم قواعد و دساتیر ، معتقدات سالفهك حاصل ایتدیکی شوق و هیجانه مشابه برحس جهده وجود ویردیلر . بو حالت ، دهور و اعصار تأثیراتیه تیلر ایتش اولان برذهنیتك شکل معدلندن بشقه برشی دکادر .

اوحالده (قونوانسیون) صنادیدی طرفندن کوستریلن فرط شوق و هیجانه قارشو تعجب ایتك طوغری دکادر . بونلرک ذهنیتی ، (ره فورم) زماننده پروتستانلرک ذهنیتته تمامیه مشاهددر . (تریب) دورینك باشلیجه قهرمانلری اولان (قوتون) ، (سن ژوست) ، (روبه سی ئور) الخ ، ساخته معبودلره مخصوص محراب قدسیلرنی ییقمق وکندی معتقداتی نشر صورتیه عالمی تنسیق ایتك غایه سته خادم برر حواریدرلر . بونلر ، اسرار انکیز دستورلینه ، مبنای سلطنتلری ییقمغه کافی قوت عطف ایتدکاری جهته ، حکمدارلره قارشو رفع لوای تعرضدن چکنمیدیلر . قوی بر ایمان ، هر حالده تردده آلوده معتقداته مطلقا غلبه ایده کادیکندن ، بو حواریلرده کال ظفرله اورویایه حاکم اولدیلر .

ذهنیت رمزیه ، اختلال ارکانك حیات رسمییه سنے هر صفحه سنده نمایان اولفده در . (روبه سی ئور) جناب حقك توفیقاتنه مظهر اولدیغنه تمامیه قناعت کترمش اولدیقندن طولانی ، برنطقنده ، جمهوریتك « من الاول مقتضای امر الہی » اولدیغنی بیان و تأمین ایدیئوردی . بر حکومت دینك ناشر اولی صغیله ، (روبه سی ئور) ، (قونوانسیون) مجلسنه « جناب ذوالجلالك وجوب وجودینه و روحك ایدیغنه » دائر بر بیاننامه نشر ایتدیرمشددر . کنیدی طرفندن اداره اولنان (ژاقوبینلر) قلوبی یواش یواش بر مجلس رهبان حالی آلیوردی . (ماقسیمیلیه ن) ، « دوچار ظلم و اعتساف اولان

معصوملری صیانت و جانلرله قوه قاهره سیله مجازات ایدن بروجود مالینک موجود اولدینی ، فکری نشر و اعلان ایدیوردی .

ژاقوینلرک بوعتقادات و افکارینی تنقید صورتیهله طریق رفضه سلو که جرأت ایدنلر ، آفوروز ایدلمکده یعنی نتیجه ده اولنلری سیاست میداننه ایصال ایدن اختلال محکمه لرینه حواله اولمقده ایدیلر . (روبه سی نه) ک اک مشهور ممثلی بولندیقی ذهنیت رمزیه ، اونک وقاتیه زوال بولامشدر . بوکون بیله ، بولتیقه جیلرمن آرمه سنده عینی ذهنیتده بولانلر واردر . اسکی اعتقادات دینی ، بونلرک روحنده آرتیق حکم سورمیور ؛ اونلرک یزینه برطاقم معتقدات سیاسییه قائم اولاشدر . (روبه سی نه) فصل معتقداتی جبراً قبول ایتدیریوردیسه ، بولتیقه جیلر دخی امکان حالنده عینی صورتده حرکتیه میادیلر . ذهنیت رمزیه صاحبیلری ، کندی اعتقاداتی نشر ایچون هرشیئی احایه متایل اولدقلرندن هر دور وعصرده ، وضعیت حاله حاکم اولنجه ، دائماً عینی واسطه تلقین وارشاده توسل ایدیلر . بناء علیه زمانمزه (روبه سی نه) ی تقدیر ایدنلرک موجودیتی موجب استغراب دکلدیر . چونکه اونککنه شیه برروح طاشیان بیکارجه آدم واردر . (روبه سی نه) ک قفاسی کسيلمکه ، بشریت قدر اسکی اولان و برتک مریدی حیاتده قانجه یه قدر زوال بولیه جقلری محقق بولنان تاقی و طرزادرا کنه خاتم چکمش اولدی .

اختلالک بوجت رمزیه سی ، مورخلردن برچوغلک نظر دقت وتفحصندن قاچه بیلمشدر . بونلر حالا منطق عقلیه بستیون یابانچی قالان برچوق حادثات وقوطاتی بولک دلاتیهله ایضاحه چالیشیورلر . حالبوکه حادثات مذکورده ، عقل و منطقک مولودی کی قبول وتلقی ایدیانجه قطعاً آکلاشیلماز . اعتقادات ، سیاسی ویا دینی اولسون ، عالی هرج صرح ایتدکلرندن ، منشأ ومصدرلری بر اولدینی کی عینی قواعد وقوانینه تابعدرلر . بونلر ، عقل و منطق سایه سنده دکل ، اکثریا بولک تمامیه خلافنه اوله رق وجود بولمشلردر . خریستیانلق ، بودا مذهبی ، دوفورم ، ژاقوینلر مسلکی ، سوسیالیزم الخ صریح ومعین برطرز اعتقاددر . تکرار ایدم که بونلر ، منطق عقلی ایله هیچ برقرابتی اولمیان بشقه منطقله تابع و مرضی و رمزی اساسلر اوزربنه مبتیدر . بومذاهب ومسالکک اصل قوتی ، کرک حین تأسیسلرنده و کرک انقلاب وتغیر دورملرنده عقل و منطقک بک بیوک بر-تأثیر اجرا ایتمه سنده در . رمزی اعتقاداتده منطقک اوینادینی رول ، هیچ دینه جک درجه ده اهمیتز اولنجه ، ماهیتی نه اولورسه اولسون ، لاعلی التعین افکار انقلاب کارانه ویا سیاسییه حکمت ویا منطق آرامق لزوم سزدره اصل بوخصوصده بزی علاقه دار ایدم که اولان عنصر ، اوافکارک تأثیراتیدر . بشریت آرمه سنده تصور اولنان مساواتک ویاخود قوانین سایه سنده یکیدن جمعیتله شکل ویرمک امکانک ، تتبع وتجربه نتیجه سنده مفقود بولندیقی قضیه سی ثابت اولقله برابر ، بومحال خیالاتی ، بشریجه معلوم اولان اک مؤثر عوامل تحریک میانه اذخال ایتک لازمدر .

کربدی احمد ساقی

(آتی) مطبعه سی

نمبر : [کربدی احمد ساقی]

